АЖРИМ

(даъво аризасини кўрмасдан қолдириш ҳақида)

Беруний тумани

2024 йил 27 май

Беруний туманлараро иқтисодий судининг судьяси Ж.Аманиязов раислигида, судья ёрдамчиси Д.Мамбетсалиевнинг котиблигида, фермерлар кенгаши вакили П.Ганиев (2024 йил 15 май кунги 149-сонли ишончнома), жавобгар вакили Ж.Ерназаров (2024 йил 18 апрель кунги 135-сонли ишончнома) ларнинг иштирокида, Қорақалпоғистон фермер, деҳқон хўжаликлари ва томорқа ер эгалари кенгашининг "BEKBERGENOVA GULZADA" фермер хўжалигининг манфаатини кўзлаб, унинг фойдасига жавобгар "AGRO TO'RTKO'L TEKSTIL CLUSTER" масъулияти чекланган жамиятидан 40 784 167 сўм асосий қарз ва 8 156 800 сўм пеня ундириш ҳақидаги даъво аризасига асосан қўзғатилган иқтисодий ишни суд биносида очиқ суд мажлисида кўриб чиқиб, қуйидагиларни

АНИКЛАДИ:

Қорақалпоғистон фермер, деҳқон хужаликлари ва томорқа ер эгалари кенгаши (бундан буён матнда — Кенгаш деб юритилади) "BEKBERGENOVA GULZADA" фермер хужалиги (бундан буён матнда — даъвогар деб юритилади) нинг манфаатини кузлаб, унинг фойдасига жавобгар "AGRO TO`RTKO`L TEKSTIL CLUSTER" масъулияти чекланган жамияти (бундан буён матнда — жавобгар деб юритилади) дан 40 784 167 сум асосий қарз ва 8 156 800 сум пеня ундиришни сураган.

мажлисида Суд иштирок этган Кенгаш вакили даъвогар даъво талабларидан воз кечганлигини ва даъвони кўрмасдан колдиришни сўраганлигини билдириб, даъво аризани кўрмасдан қолдиришни сўради.

Суд мажлисида иштирок этган жавобгар вакили даъвони кўрмасдан колдиришни сўради.

Даъвогар вакиллари суд мажлисида қатнашмади ва ўзининг ёзма фикрини судга такдим қилмади.

Суд иш хужжатларида унинг суд мухокамасининг вақти ва жойи ҳақида тегишли тартибда ҳабардор қилинганлигини тасдиқловчи ҳужжат мавжуд эканлигини ҳисобга олиб, ишни Ўзбекистон Республикасининг Иқтисодий процессуал кодекси (бундан буён матнда — ИПК) 128 ва 170-моддаларига мувофиқ унинг вакили иштирокисиз кўриб чиқишни лозим топди.

Суд ишда иштирок этувчи шахслар вакилларининг тушунтиришларини тинглаб, ишдаги хужжатларга хукукий бахо бериб, куйидагиларга асосан даъво аризасини кўрмасдан колдиришни лозим топди.

Ишдаги хужжатлардан аниқланишича, даъвогар "BEKBERGENOVA GULZADA" фермер хужалиги даъво талабларидан воз кечган ва даъвони курмасдан қолдиришни сураган.

ИПК 107-моддасининг 8-бандига асосан даъвогарнинг манфаатларини кўзлаб прокурор, давлат органи ва бошқа шахс томонидан такдим этилган даъводан даъвогар воз кечган бўлса, суд даъво аризасини кўрмасдан қолдириши лозим.

Шу боис, суд даъво аризасини кўрмасдан қолдиришни лозим топди.

Шунингдек, ИПК 118-моддасининг биринчи қисмига мувофиқ суд харажатлари ишда иштирок этувчи шахсларнинг қаноатлантирилган даъво талаблари миқдорига мутаносиб равишда уларнинг зиммасига юклатилади.

Ўзбекистон Республикаси Президентининг 10 октябрь 2017 йилдаги "Фермер, деҳқон хужаликлари ва томорқа ер эгалари фаолиятини янада ривожлантириш буйича ташкилий чора-тадбирлар турисида"ги ПҚ-3318-сон Қарори 3-бандининг олтинчи хатбошисига асосан, фермер, деҳқон хужаликлари ва томорқа ер эгалари манфаатларини кузлаб судга давлат божи туламасдан даъво аризалари, давлат ва хужалик бошқаруви органлари, маҳаллий давлат ҳокимияти органларининг қарорлари, уларнинг мансабдор шаҳслари ҳаттиҳаракатлари (ҳаракатсизлиги) устидан шикоятлар тақдим этиш. Бунда даъво аризасини қаноатлантириш рад этилганда манфаати кузлаб даъво аризаси киритилган фермер, деҳқон хужаликлари ва томорқа ер эгаларидан давлат божи ундирилмаслиги белгиланган.

Шу боис, иш учун тўланган почта харажатини даъвогар зиммасида қолдиришни лозим топди.

Юқорида баён этилганлардан келиб чиқиб, Ўзбекистон Республикаси Иқтисодий процессуал кодексининг 107-моддаси 8-банди ва 195-моддасини қўллаб, суд

АЖРИМ КИЛДИ:

Даъво аризаси кўрмасдан қолдирилсин.

Иш учун тўланган 34 000 сўм почта харажати даъвогарнинг зиммасида қолдирилсин.

Ажримдан норози тараф бир ойлик муддатда шу суд орқали Қорақалпоғистон Республикаси судига апелляция тартибида ёки апелляция тартибида кўриб чиқилмаган биринчи инстанция судининг ажрими устидан ажрим қонуний кучга кирган кундан эътиборан олти ой ичида кассация тартибида шикоят берилиши ва прокурор протест келтириши мумкин.

Судья Ж.Ж.Аманиязов

